

成三島人

又

無妻無子亦無女天賜逍遙宜省悟休欺方寸莫謾人暗有神
明常察汝

又

從前愛底莫留心急急抽身物外尋搜獲不離方寸地無私無
曲作知音

又

天機未敢輕分付細細看賢悟不悟遇有艱難不憶家恁時指
汝長生路

道藏輯要

洞玄金玉集

四

胃集六

又

浮名浮利尚難求利遂名成卧土邱不道神仙非小事須憑功
行赴瀛洲

又

要做神仙須悟徹萬種情緣當一擊常將身影更嫌多恁時自
有仙提挈

贈長安眾道友

家家門下長安道戶戶庭前極樂鄉一腳不移超法界三鴈俱
透得清涼

贈長安郭子聰機宜韻

清淨神光燦有餘自然猿馬不馳驅轉增開悟通玄路未審汾陽信也無

和盧知縣韻

一身便做箇環牆脫灑靈童住裏廂沒口能言玄妙語勿令猿馬縱輕狂

贈長安孔公昆仲彭子元

四旬有八到長安深謝諸公異眼看今日伸於知己者修行說破虎龍蟠

又

菴主孔公彭子元暨諸道契早搜玄身中營養長生火壺內修

道藏輯要

洞玄金玉集

五

胃集六

完不夜天

又

心清意淨性逍遙坦蕩無拘不繫腰若要爐中鉛汞結須教鼎內姦嬰調

又

擊下家緣萬事休自然捉住好因由冲和秀氣穿丹穴惺灑靈童上玉樓

又

不迷外樂不貪嗔混俗和光語笑頻但願諸公如我志大家修進作仙人